

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 438584 22 St
Tuzla, 10.07.2023. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „MEGALUX“ d.o.o. Tuzla, za vanjski i unutrašnji promet roba i usluga, ul. Mandžukovac 35, nakon provedenog stečajnog postupka, donio je dana 10.07.2023. godine sljedeće:

RJEŠENJE

OTVARA SE stečajni postupak nad imovinom dužnika „MEGALUX“ d.o.o. Tuzla, za vanjski i unutrašnji promet roba i usluga, ul. Mandžukovac 35, matični broj subjekta 32-01-0017-11, JIB: 4210012520009, račun broj: 1345801000752618 otvoren kod ASA banka d.d. Sarajevo.

Za stečajnog upravnika imenuje se Maja Musemić iz Tuzle, ul. Maršala Tita 60.

ZAKLJUČUJE SE stečajni postupak nad imovinom dužnika „MEGALUX“ d.o.o. Tuzla, za vanjski i unutrašnji promet roba i usluga, ul. Mandžukovac 35, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 438584 22 St od 16.02.2023. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „MEGALUX“ d.o.o. Tuzla, za vanjski i unutrašnji promet roba i usluga, ul. Mandžukovac 35, a za privremenog stečajnog upravnika imenovana je Maja Musemić iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 17.03.2023. godine. Iz izvještaja privremenog stečajnog upravnika proizilazi da je društvo prestalo sa radom tokom 2017. godine kada je i nastupila platežna nesposobnost društva, društvo nema prijavljenih radnika, računi društva su blokirani od 2017. godine. Ukupne kratkoročne obaveze društva prema knjigovodstvenim evidencijama na dan 31.12.2022. godine iznose 150.567,00 KM a čine ih obaveze prema dobavljačima, ostale finansijske obaveze, ostale obaveze i obaveze poreza na dobit, a pored navedenih društvo ima porezne obaveze prema Poreznoj upravi F BiH u iznosu od 4.924,41 KM i prema Upravi za indirektno oporezivanje BH u iznosu od 14.999,18 KM. Društvo nema bilo kakvu imovinu koja bi se mogla unovčiti, poslovalo je u iznajmljenom prostoru, iz izvještaja ne proizilazi da ima u vlasništvu pokretne stvari, a računi su kako je već rečeno blokirani. Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 26.04.2023. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 5.651,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 36/23 dana 17.05.2023. godine, oglasnoj tabli suda dana 27.04.2023. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu preduma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama FBIH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.